



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

12. de ordine processionis Spiritus sancti à patre & filio.

urn:nbn:de:hbz:466:1-38840

expositione symboli: Ecce Græcorum testimonia quibus Spiritus sanctus à Patre & Filio procedere ostenditur. Omnis ergo lingua confiteatur Spiritum sanctum ab utroque procedere.

DE ORDINE PROCESSIONIS ab utroque.

DISTINCT. Duodecimæ
CAP. Primum.

*Spiritus sanctus non prius à Patre
quàm filio procedit.*

*Superiori
distinct. i.*

QUUM Spiritus sanctus à Patre procedat & Filio, quæritur an prius vel magis processerit à Patre quàm Filio. quod nicitur hæreticus ita ostendere dicitur: Si processit Spiritus sanctus à Patre, & Filio, processit utique; aut nato iam Filio, aut nō nato Filio. Si verò iam nato filio processit, antè natum est Filius, quàm processit Spiritus sanctus. Præcessit ergo natiuitas Filij processionem Spiritus sancti: Si autem processit à Patre, nō genito Filio, antè processit quàm Filius genitus fuit.

de principio Spiritus sancti, scilicet Patre & Filio, nunc de ordine personarum istarum à quibus procedit Spiritus sanctus.

Responsio Aug. ad questionem.

CA. 26. **H**is & huiusmodi quæstionibus magis laboriosis quàm fructuosis, respondet Aug. libr. 15. de Trinita. dicens: In illa

D

summa Trinitate nulla temporum interual-
la sunt, per quæ posset ostendi aut requiri
saltem vtrum prius de Patre natus sit Filius,
& postea processit Spiritus sanctus de am-
bobus &c. Non possunt profus ista quæri,
vbi nihil ex tempore inchoatur, & ex con-
sequenti perficiatur in tempore. Ideo qui
potest intelligere sine tempore generatio-
nem Filij de Patre, intelligat sine tempore
processionem Spiritus sancti de vtroque.

*C A P. Secundum. Non plenius aut
magis procedit Spiritus san-
ctus a Patre quàm
a Filio.*

*Quomodo
Spiritus
sanctus
procedat
principa-
liter a Pa-
tre.*

Nunc tractandum est an plenius aut
magis procedat Spiritus sanctus à Pa-
tre quàm à Filio. Ad quod dicimus,
quia sicut non antè procedit à Patre quàm
à Filio, ita non plenius vel magis procedit à
Patre quàm à Filio. Aug. tamè. 15. de Trini.
dicit quòd Spiritus sanctus principaliter
procedit de Patre. Ne te hoc turbaret, ipse
continuò ex quo sensu illud dixerit aperit,
dicēs: Ideo addidit principaliter, quia & de
Filio Spiritus sanctus procedere reperitur.
Sed hoc quoq; illi Pater dedit non iam exi-
stenti & nondum habēti. Sed quicquid vni-
genito verbo dedit, gignendo dedit. Hic er-
go eum genuit, vt etiam de illo donum cō-

mune procederet, & Spiritus sanctus spiritus esset amborum. Ecce quomodo principaliter non quòd priùs aut magis à Patre procedat, sed quia cùm procedat à Filio, hoc ipsum habet Filius à Patre. In quo sensu etiã dicitur à Patre propriè Spiritus sanctus procedere, vt patet ex Hieron. in expositione symboli Nicani, quia hoc habet Pater à se non ab alio, vt de ipso procedat Spiritus sanctus.

To. 4.
ad Cy
ril.

C A P. Tertium. Spiritus sanctus procedit & mittitur à Patre per Filium.

Quomodo
Spiritus
sanctus
procedat
a Patre
propriè.

FOrtè etiam & iuxta hanc intelligentiam dicitur Spiritus sanctus mitti per Filium, & à Patre esse per Filium. Vnde Hilarius libr. 12. de Trinita. In Spiritu sancto tuo ex te perfecto & per eum misso. vbi loquitur ad Patrem de Filio & Spiritu sancto. Idem: Confirma hanc, oro, fidei meæ religionem, vt quod in regenerationis meæ simbolo professus sum, semper obtineam, te Patrem scil. & Filium tuum vnà tecum adorem, Spiritum sanctum tuum, qui ex te per vnigenitum tuum est, promerear. Ecce apertè dicit Spiritum sanctum à Patre per Filium & mitti & esse. Quod nõ est intelligendũ quasi à Patre per Filium minorem mittatur, vel sit: sed quia ex Patre & Filio est, & mittitur ab vtro-

D i

que. Sed hoc ipsum habet Filius à Patre, ut ab ipso sit, & mittatur Spiritus sanctus.

C A P. Quartum. Pater est author processionis Spiritus sancti.

HOc ergo voluit significare Hilar. distinctionem faciens in loquutione, ut ostenderet in Patre esse auctoritatem. Inde est etiam quod Veritas ostendens Patrem esse authorē processionis, quia procedit Spiritus à Filio, dixit in Euangel. De Patre procedit, quum & de Patre & Filio procedat Spiritus sanctus. Unde Aug. lib. 15. de Trinita. quærit: Si de Patre & Filio procedit Spiritus sanctus, cur Filius dixit de Patre procedit? Cur putas, nisi quia solet ad eum referre etiam quod ipsius est, sicut & de quo ipse est, sicut ait: Mea doctrina non est mea, sed eius qui misit me? Si ergo hinc intelligitur eius doctrina, quam tamen non dixit suam, sed Patris: quanto magis illic intelligendus est Spiritus sanctus de ipso procedere, ubi sic ait, de Patre procedit? Vtrum diceret, de me non procedit? A quo antè habet Filius ut sit Deus (Est enim Deus de Deo) ab illo utique habet ut de illo procedat Spiritus sanctus. Et ideo Spiritus sanctus, ut etiam de Filio procedat, sicut procedit de Patre, ab ipso habet Patre. Quapropter

Patris auctoritas secundum quod D. Hilar. exponit in Iohan. 14. Pater maior me est. infra Dist. 16.

Ca. 27

Ioh. 7

quī potest intelligere in eo quod habet Fi-
Iohā. 5. lius, sicut Pater habet vitam, sic dedit & Fi-
 lio vitam habere in semetipso: non sine vi-
Aug. lib. 6. ta existenti iam Filio vitam Patrem dedif-
de Tri. se: sed ita eum sine tempore genuisse, ut vita
ca. 26. quam Pater Filio gignendo dedit, coæter-
 na sit vitæ Patris qui dedit.

DE DIFFERENTIA PRO-
 ceptionis & Generationis
 in Diuinis.

DISTINCT. Decimætertix
 CAP. Primum.

*Spiritus sanctus nec natus, nec
 Filius dicitur.*

*Compara-
 tur proces-
 sio ad ge-
 nerationē.*

Quam Spiritus sanctus procedat de Pa-
 tre, & sit de substantia Patris, cur non
 dicitur esse natus & Filius, sed
 potius procedens? Aug. id ostendit de Trin.
 15. dicens: Si Spiritus sanctus Filius diceret-
 tur, amborum utique Filius diceretur, quod
 absurdum est. Filius quippe nullus est duo-
 rum, nisi patris & matris. Absit autem ut in-
 ter Deum Patrem, & Deum Filium tale ali-
 quid suspicemur. Non ergo ab utroque est
ad Ma- genitus, sed procedit ab utroque amborum
xim. l. spiritus. Hanc eandem quæstionem idem
 3. c. 14. Aug. ita dissoluit, ostendens Maximo.

D iij